



ODLUKA
O USVAJANJU REGULACIONOG PLANA
„KVADRANT C – MARIJIN DVOR“
(Prijedlog)

Nosilac pripreme Plana:
Gradonačelnik

Nosilac izrade Plana:
Zavod za planiranje razvoja
Kantona Sarajevo

Obrađivač:
Služba za urbano planiranje, investicije,
stambene i komunalne poslove





Na osnovu člana 177. Zakona o prostornom uređenju Kantona Sarajevo („Službene novine Kantona Sarajevo“, br. 24/17 i 1/18), te člana 18. stav (1) tačka d) i člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada Sarajeva, na __. sjednici održanoj dana __. __. 2026. godine, donijelo je

(Prijedlog)

**ODLUKU
O USVAJANJU REGULACIONOG PLANA
„KVADRANT C - MARIJIN DVOR“**

Član 1.

Usvaja se Regulacioni plan „Kvadrant C – Marijin Dvor“ (u daljnjem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

- a) Odluku u provođenju Regulacionog plana „Kvadrant C – Marijin Dvor“
- b) Tekstualni dio Plana.

Grafički dio sadrži:

- a) Urbanizam prezentiran na odgovarajućem broju tematskih karata, i to:

karta 1. - Izvod iz U.P. grada Sarajeva za period od 1986-2015.god.	
karta 2. - Ažurna geodetska podloga	1:1000
karta 3. - Inženjersko geološka karta	
karta 4. - Razmještaj, namjena i spratnost objekata / postojeće stanje/	1:1000
karta 5. - Posjedovno stanje	1:1000
karta 6. - Planirana namjena površina	1:1000
karta 7. - Urbanističko rješenje Razmještaj, namjena i spratnost objekata	1:1000
karta 8. - Odnos prema postojećem građevinskom fondu	1:1000
karta 9. - Mreža građevinskih i regulacionih linija	1:1000

- b) Idejno rješenje saobraćaja,
- c) Idejno rješenje snabdijevanja vodom i odvodnja otpadnih i oborinskih voda,
- d) Idejno rješenje energetike,
- e) Idejno rješenje elektroenergetike i javne rasvjete,
- f) Idejno rješenje hortikulture,



- g) Idejno rješenje „Upravljanje otpadom“
- h) Analitička obrada parcela.

Član 3.

Po jedan primjerak ovjerenog elaborata Plana nalazi se na stalnom javnom uvidu i čuva se u službi dokumentacije Općine Novo Sarajevo, Gradskoj upravi – Gradskoj službi za urbano planiranje, investicije, stambene i komunalne poslove i u Zavodu za planiranje razvoja Kantona Sarajevo.

Član 4.

Ovom Odlukom stavlja se van snage Odluka o usvajanju Regulacionog plana „Kvadrant C – Marijin Dvor“ („Službene novine Kantona Sarajevo“, br. 27/03, 26/05 i 14/11).

Član 5.

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Alen Girt

Broj:
Sarajevo, _____.2026. godine



OBRAZLOŽENJE

Pravni osnov

Pravni osnov za donošenje ove odluke sadržan je u odredbama člana 3. Zakona o izmjenama i dopunama Zakona o prostornom uređenju Kantona Sarajevo („Službene novine Kantona Sarajevo“, broj 1/18), a u skladu sa članom 177. kojim je propisano da Skupština Kantona, gradsko ili općinsko vijeće koji su donijeli odluku o pristupanju izradi planskog dokumenta do dana 30.06.2017. godine donose i odluku o usvajanju i odluku o provođenju tog planskog dokumenta.

Statutarni osnov su odredbe člana 18. stav (1) tačka d) i člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) kojim je regulisano da je vlastita nadležnost Grada Sarajeva utvrđivanje i provođenje politike planiranja i uređenja prostora i zaštite okoliša na teritoriji Grada Sarajeva, odnosno da Gradsko vijeće Grada Sarajeva donosi odluke, druge propise i opće akte i daje njihovo tumačenje.

Planski osnov

Planski osnov za donošenje ove Odluke je Prostorni plan Kantona Sarajevo za period 2003. do 2023. godine („Službene novine Kantona Sarajevo“, br. 26/06 i 22/17) i Urbanistički plan grada Sarajeva za urbano područje Sarajevo (Stari Grad, Centar, Novo Sarajevo, Novi Grad, Ilidža i Vogošća) za period 1986. do 2015. godine („Službene novine Kantona Sarajevo“, br. 5/99, 14/00 i 4/02 i 37/14).

Razlozi donošenja Odluke

Osnovni cilj izrade plana je urbanizacija gradske jezgre Sarajeva kao primarnog centra kome gravitira cjelokupno stanovništvo grada i regije, preispitivanje prostorne organizacije predmetnog kvadranta unutar gradske jezgre i stvaranje uvjeta za njegovu valorizaciju i podizanje urbanog standarda, kao i kvalitete života, oplemenjivanjem istog, u prvom redu sadržajima društvene infrastrukture, primarno kulturne djelatnosti, poslovanja, diplomatsko-konzularnih predstavništva, kao i javnih i zelenih prostora za okupljanje građana.

Obrazloženje predloženih rješenja

Članom 1. utvrđuje se usvajanje Plana.

Članom 2. definira se sadržaj Plana.

Članom 3. definira se mjesto čuvanja Plana.

Članom 4. propisuje se propisuje se stavljanje van snage Odluke o RP „Kvadrant C-Marijin Dvor“ („Službene novine Kantona Sarajevo“, br. 27/03, 26/05 i 14/11).

Članom 5. propisuje se način stupanja na snagu Odluke.

Sredstva za izradu Plana

Sredstva za izradu Plana obezbijedena su u Budžetu Općine Novo Sarajevo.